

სამოსამართლო გამოცდილების აღმქონე მოსამართლეობის კანდიდატის შეფასების ფორმა

მოსამართლეობის კანდიდატის უკანასკნელის შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით			
მოსამართლეობის კანდიდატი არ აკმაყოფილებს კეთილსინდისიერების კრიტერიუმს			<input type="checkbox"/>
მოსამართლეობის კანდიდატი აკმაყოფილებს კეთილსინდისიერების კრიტერიუმს			<input type="checkbox"/>
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს			<input checked="" type="checkbox"/>
მოსამართლეობის კანდიდატის შეფასება კომპეტენტურობის კრიტერიუმის მიხედვით			
კრიტერიუმი	მიღებული ქულა	მაქსიმალური ქულა	
სამართლის წორმების ცოდნა	21	25	
სამართლებრივი დასაბუთების უნარი და კომპეტენცია	21	25	
წერისა და ზეპირი კომუნიკაციის უნარი	17	20	
პროფესიული თვისებები	13	15	
აკადემიური მიღწევები და პროფესიული წვრთნა	8	10	
პროფესიული აქტივობა	4	5	
ქულათა ჯამი	84	100	

სახელი, გვარი: ნინო ქადაგიძე  
თარიღი: 12.09.2024 წ.



საქართველოს იუსტიციის უმაღლესი საბჭოს თავმჯდომარე  
ნინო ქადაგიძე

საქართველოს იუსტიციის უმაღლესი საბჭოს 2024 წლის 22 ივლისის №1/74 განკარგულებით დაწყებულ, სააპელაციო და საქალაქო სასამართლოებში არსებულ მოსამართლის ვაკანტურ თანამდებობებზე კონკურსში მონაწილე კანდიდატის - ევა ბარბაქაძის

**შეფასება**

**1. პროცედურის შესახებ:**

- 1.1. საქართველოს იუსტიციის უმაღლესი საბჭოს (შემდგომში - საბჭო) 2024 წლის 22 ივლისის №1/74 განკარგულებით, სააპელაციო და საქალაქო სასამართლოებში არსებულ მოსამართლის ვაკანტურ თანამდებობებზე დაიწყო კონკურსი მოსამართლების შესარჩევად.
- 1.2. საბჭოს 2024 წლის 15 აგვისტოს №1/81 განკარგულებით, მითითებულ კონკურსში დარეგისტრირდა 20 პირი, მათ შორის - ევა ბარბაქაძე.
- 1.3. საბჭოს შესაბამისმა სამსახურმა, „საერთო სასამართლოების შესახებ“ საქართველოს ორგანული კანონის (შემდგომში - ორგანული კანონი) 34<sup>2</sup> მუხლით დადგენილი წესით, მოიპოვა ინფორმაცია კონკურსში მონაწილე კანდიდატთა შესახებ, რომელიც გასაცნობად წარმოგვედგინა საბჭოს წევრებს ორგანული კანონის 34<sup>1</sup> მუხლის მე-9 პუნქტით დადგენილი წესით. აღნიშნულ ინფორმაციას გავეცანი დეტალურად.
- 1.4. საჯარო მოსმენის დასრულების შემდეგ კანდიდატთა შეფასების წესი განსაზღვრულია ორგანული კანონის 34<sup>1</sup> მუხლის მე-11 პუნქტით;
- 1.5. კანდიდატი შევაფასე ორგანული კანონის 35<sup>1</sup> მუხლით განსაზღვრული კეთილსინდისიერების კრიტერიუმის 4 (ოთხი) მახასიათებლის მიხედვით და, ორგანული კანონის 35<sup>1</sup> მუხლის მე-15 პუნქტის საფუძველზე, ამ მახასიათებელთა ანალიზისა და შეჯერების საფუძველზე, შევადგინე საბოლოო დასკვნა კანდიდატის კეთილსინდისიერების შესახებ. ყოველი მახასიათებლის მიხედვით შეფასება დავაფუძნე კანონმდებლობით განსაზღვრული ცალკეული კომპონენტების ანალიზსა და შეჯერებას, შემდეგნაირად: თუ კანდიდატი ყველა ამ კომპონენტის მიმართ დადებითად შეფასდა, გავაკეთე დასკვნა, რომ კანდიდატი „სრულად აკმაყოფილებს“ მახასიათებლს; თუ კომპონენტებიდან არაუმეტეს ორის მიმართ შეფასება უარყოფითი იყო, გავაკეთე დასკვნა, რომ კანდიდატი „აკმაყოფილებს“ მახასიათებლს; ხოლო თუ სამი ან მეტი კომპონენტის შეფასება აღმოჩნდა უარყოფითი, მივიჩნიე, რომ კანდიდატი „არ აკმაყოფილებს“ მახასიათებლს.

1.6. კანდიდატი შევაფასე კომპეტენტურობის კრიტერიუმის 6 (ექვსი) მახასიათებლის მიხედვით, თითოეული მახასიათებლისათვის ორგანული კანონის 35<sup>1</sup> მუხლის მე-16 პუნქტით განსაზღვრული ქულების მინიჭების და თითოეული ამ ქულის დასაბუთების გზით.

### I. ინფორმაცია კანდიდატის შესახებ:

სახელი, გვარი: ეკა ბარბაქაძე

განათლება: უმაღლესი იურიდიკული (მაგისტრი, თბილისის პუმანიტარულ-ეკონომიკური უნივერსიტეტი 2001 წელი)

სპეციალობით მუშაობის გამოცდილება: 22 წელი

### II. მოსამართლეობის კანდიდატის შეფასება კეთილსინდისიერების კრიტერიუმის მიხედვით

კეთილსინდისიერების კრიტერიუმებით მოსამართლეობის კანდიდატის, ეკა ბარბაქაძის შეფასებისას გავითვალისწინე „საერთო სასამართლოების შესახებ“ საქართველოს ორგანული კანონის 35<sup>1</sup> მუხლით დადგენილი მახასიათებლები:

1. პიროვნული კეთილსინდისიერება და პროფესიული სინდისი;
2. დამოუკიდებლობა, მიუკერძოებლობა და სამართლიანობა;
3. პიროვნული და პროფესიული ქცევა;
4. პიროვნული და პროფესიული რეპუტაცია;

1. პიროვნული კეთილსინდისიერებისა და პროფესიული სინდისის მახასიათებლით - პირის შეფასებისას გაითვალისწინება მისი, როგორც მოსამართლისა (სამოსამართლო გამოცდილების მქონე მოსამართლეობის კანდიდატის ან რაიონული (საქალაქო) ან სააპელაციო სასამართლოს მოსამართლის თანამდებობაზე 3 წლის ვადით განწესებული მოსამართლის შეფასების შემთხვევაში) და მოქალაქის, პატიოსნება, კეთილსინდისიერება, მოვალეობებისა და პასუხისმგებლობის შესაბამისი შეგნება, გამჭვირვალობა, კორექტულობა და სიზუსტი სამსახურებრივი ან სხვა მოვალეობების, ფინანსური ან სხვა ვალდებულებების შესრულებისას (მაგალითად, თანამდებობის პირის ქონებრივი მდგომარეობის დევლარაციის შევსებისას, ბანკის ან სხვა ვალის, კომუნალური ან სხვა გადასახადის, საგზაო მოძრაობის წესების დარღვევისთვის ჯარიმის გადახდისას) და სხვა, ხოლო სამოსამართლო გამოცდილების მქონე მოსამართლეობის კანდიდატის ან რაიონული (საქალაქო) ან სააპელაციო სასამართლოს მოსამართლის თანამდებობაზე 3 წლის ვადით განწესებული მოსამართლის შეფასებისას - აგრეთვე სიმართლისმოყვარეობა.

მოძიებული ინფორმაციის თანახმად:

- რეკომენდატორები გამოთქვამენ მოსაზრებებს კანდიდატის კეთილსინდისიერებასა და კომპეტენტურობაზე. კანდიდატი გახლავთ პრინციპული, ზეგავლენის მიმართ მედეგი, თავმდაბალი, შრომისმოყვარე, კოლეგებთან ურთიერთობისას ყოველთვის კორექტული და თავაზიანი, პუნქტუალური, გულმოდვინე და კეთილსინდისიერი. გამოარჩევენ ასევე პროფესიულ სინდისის და პიროვნულ დამოუკიდებლობას, პასუხისმგებლობის გრძნობის უნარს,

კომუნიკაციულობას, შრომისმოყვარეობას და მოსამართლის სტატუსისათვის შესაფერის სხვა აუცილებელ კრიტერიუმებს.

- გამოვითხული რესპოდენტები კანდიდატის პირად თვისებებს და პროფესიულ საქმიანობას იცნობენ კარგად. რესპოდენტების აზრით, კანდიდატი სრულად აკმაყოფილებს კეთილსინდისიერების კრიტერიუმს. კომპეტენტულობის კრიტერიუმით რესპოდენტები კანდიდატს აფასებენ ძალიან კარგად.

- კანდიდატს სახელმწიფო ბიუჯეტის მიმართ არ ერიცხება დავალიანება. აქვს მიმდინარე სესხი, აქვს დადებითი საკრედიტო ისტორია. მცირედი ჯარიმებით. უძრავი ქონების რესტრში არსებული ინფორმაცია არის შესაბამისობაში ქონების მდგომარეობის დეკლარაციასთან. მეწარმეთა და არასამეწარმეო იურიდიულ პირთა რეესტრში არ არის რეგისტრირებული.

- ადმინისტრაციული სამართალდარღვევის ფაქტების თაობაზე წარმოდგენილი ინფორმაციის თანახმად, საანგარიშო პერიოდში კანდიდატი საქართველოს ადმინისტრაციულ სამართალდარღვევათა ერთიან საინფორმაციო ბანკში არ ირიცხება.

კანდიდატის მიმართ არ განხორციელებულა დისციპლინური დევნა და არ მიმდინარეობს ადმინისტრაციული წარმოება.

წარმოდგენილი ინფორმაციის ანალიზი მაღლევს საფუძველს, კეთილსინდისიერების მითითებულ მახასიათებელში კანდიდატი შევაფასო დადებითად.

2. დამოუკიდებლობის, მიუკერძოებლობისა და სამართლიანობის მახასიათებლით - პირის შეფასებისას გაითვალისწინება მისი პრინციპულობა, გადაწყვეტილების დამოუკიდებლად მიღების უნარი და ზეგავლენის მიმართ მედეგობა, პიროვნული სიმტკიცე, შეუვალობა და სხვა, ხოლო სამოსამართლო გამოცდილების მქონე მოსამართლეობის კანდიდატის ან რაიონული (საქალაქო) ან სააპელაციო სასამართლოს მოსამართლის თანამდებობაზე 3 წლის ვადით განწევებული მოსამართლის შეფასებისას - აგრეთვე პოლიტიკური ან სხვა ნიშნით მიუკერძოებლობა, სამართლიანობა.

რეკომენდატორები შიუთითებენ კანდიდატის პრინციპულობასა და ზეგავლენის მიმართ მედეგობაზე. ინფორმაცია, რაც კანდიდატის ზემოაღნიშნულ უნარებს დააყენებს ეჭვევეშ, წარმოდგენილი არ არის, რაც მაღლევს საფუძველს, კეთილსინდისიერების მითითებულ მახასიათებელში კანდიდატი შევაფასო დადებითად.

3. პიროვნული და პროფესიული ქცევის მახასიათებლით პირის - შეფასებისას გაითვალისწინება მისი კორექტულობა კოლეგებსა და სხვა პირებთან ურთიერთობისას, თავდაჭერილობა, საკუთარი ემოციების მართვის უნარი, სასამართლოში წარმართული დავები, რომლებშიც იგი მონაწილეობდა, როგორც მხარე, მის წინააღმდეგ სისხლისსამართლებრივი ბრალდების არსებობა და სხვა.

საქართველოს საერთო სასამართლოებში წარმოებულ დავებში მოსამართლეობის კანდიდატის მხარედ მონაწილეობის თაობაზე ინფორმაცია ელექტრონული საქმისწარმოების სამიებო სისტემაში ვერ იქნა შემიებული.

კანდიდატი არ ყოფილა დაზარალებულად ცნობილი.

რეკომენდატორები აღნიშნავენ, რომ კანდიდატი არის თავმდაბალი, შრომისმოყვარე, კოლეგებთან ურთიერთობისას ყოველთვის კორექტული და თავაზიანი.

ყოველივე აღნიშნული მაძლევს საფუძველს, კეთილსინდისიერების მითითებულ მახასიათებელში კანდიდატი შევაფასო დადებითად.

**4.პიროვნული და პროფესიული რეპუტაციის მახასიათებლით კანდიდატის შეფასებისას -** გაითვალისწინება მისი საქმიანი და მორალური რეპუტაცია და ავტორიტეტი იურიდიულ წრეებსა და საზოგადოებაში, იურიდიულ წრეებთან ურთიერთობის ხასიათი და სხვა.

მნიშვნელოვანია, რომ კანდიდატი სარგებლობს კარგი პიროვნული და პროფესიული რეპუტაციით კოლეგებს შორის. გამოკითხული რესპონდენტები და რეკომენდატორები კანდიდატს ახასიათებენ ძალიან კარგად, რაც მაძლევს საფუძველს, კეთილსინდისიერების მითითებულ მახასიათებელში კანდიდატი შევაფასო დადებითად.

ყველა ზემოაღნიშნული კრიტერიუმის შეფასების საფუძველზე მივიჩნევ, რომ კანდიდატი სრულად აკმაყოფილებს კეთილსინდისიერების კრიტერიუმს.

### **III. მოსამართლეობის კანდიდატის შეფასება კომპეტენტურობის კრიტერიუმის მიხედვით**

**კომპეტენტურობის კრიტერიუმით** მოსამართლეობის კანდიდატის, ეკა ბარბაქაძის შეფასებისას გავითვალისწინე „საერთო სასამართლოების შესახებ“ საქართველოს ორგანული კანონით დადგენილი მახასიათებელები:

1. სამართლის ნორმების ცოდნა;
2. სამართლებრივი დასაბუთების უნარი და კომუნიკაცია;
3. წერისა და ზეპირი კომუნიკაციის უნარი;
4. პროფესიული თვისებები;
5. აკადემიური მუდწევები და პროფესიული წერთანა;
6. პროფესიული აქტივობა.

#### **1. სამართლის ნორმების ცოდნის მახასიათებელი**

იუსტიციის უმაღლესი სკოლის დამოუკიდებელი საბჭოს შეფასებით, ადმინისტრაციულ სამართალში ეკა ბარბაქაძეს აქვს სამართლებრივი ანალიზის კარგი უნარი. სისხლის სამართალში მუშაობისას კანდიდატმა გამოავლინა კარგი თეორიული ცოდნა, აქვს სამართლებრივი ანალიზის კარგი უნარი.

რაც შეეხება გასაუბრების პროცესს, ამ შემთხვევაში სამართლის ნორმების ცოდნას ვაფასებ ორივე კონკურსის პირობებში კანდიდატის მიერ გაცემული პასუხების ანალიზის საფუძველზე. გასაუბრების პროცესში კანდიდატმა ისაუბრა სისხლის სამართლის პრინციპებზე; წინასასამართლო სხდომის ჩატარების თავისებურებებზე; არასრულწლოვანთა მართლმსაჯულების კოდექსზე, საპროცესო შეთანხმების დამკიცების საფუძვლებზე.

კანდიდატმა არგუმენტირებულად გამიჯნა პირველი ინსტანციის სასამართლოსა და უზენაესი სასამართლოს სპეციფიკა; ყურადღება გაამახვილა აღვეთის ღონისძიებების სახეებზე და მიზნებზე, იმსჯელა სამოქალაქო შეთანხმების არსზე. კანდიდატმა ისაუბრა საქართველოს საკონსტიტუციო სასამართლოს გადაწყვეტილებებზე; შეჯიბრებითობის პრინციპზე სისხლის სამართალში.

არასრულყოფილი იყო კანდიდატის პასუხები ადმინისტრაციული სამართლის მიმართულებით დასმულ შეკითვებზე.

იუსტიციის უმაღლესი სკოლის დამოუკიდებელი საბჭოს შეფასებებისა და გასაუბრების შედეგების ერთობლივი ანალიზი მაძლევს საფუძველს კანდიდატი მითითებულ მახასიათებელში შევაფასო - 21 ქულით.

## 2. სამართლებრივი დასაბუთების უნარისა და კომპეტენციის მახასიათებელი

იუსტიციის უმაღლესი სკოლის დამოუკიდებელი საბჭოს შეფასებით, სასემინარო მუშაობისას შესაფასებელი პირი მიღებულ თეორიულ ცოდნას სათანადოდ იყენებს პრაქტიკაში.

ზეპირი გასაუბრების პროცესში კანდიდატი საკუთარ მოსაზრებას ასაბუთებდა მწყობრად და თანმიმდევრულად.

კანდიდატს გააჩნია იურიდიულ სფეროში მუშაობის 22 წლიანი გამოცდილება.

აღნიშნული გარემოებები მაძლევს საფუძველს, ამ მახასიათებელში კანდიდატი შევაფასო - 21 ქულით.

## 3. წერისა და ზეპირი კომუნიკაციის უნარის მახასიათებელი

იუსტიციის უმაღლესი სკოლის დამოუკიდებელი საბჭოს მითითებით, კანდიდატი გადაწყვეტილების პროექტებს სწორად და თანმიმდევრულად აყალიბებდა, ამავდროულად, რეკომენდირებულია, კანდიდატმა სამომავლოდ გააუმჯობესოს ზეპირი და წერითი გადმოცემის უნარები.

გასაუბრების ეტაპზე, პასუხის დასაბუთების დროს, კანდიდატი იყო თანმიმდევრული.

აღნიშნული გარემოებები მაძლევს საფუძველს, ამ მახასიათებელში კანდიდატი შევაფასო - 17 ქულით.

## 4. პროფესიული თვისებების მახასიათებელი

იუსტიციის უმაღლესი სკოლის დამოუკიდებელი საბჭოს შეფასებით, რეკომენდირებულია კანდიდატმა იმუშაოს დროის მართვისა და კონცენტრაციის უნარების უფრო მეტად განვითარებაზე.

აღნიშნული გარემოებები მაძლევს საფუძველს, ამ მახასიათებელში კანდიდატი შევაფასო - 13 ქულით.

#### 5. აკადემიური მიღწევებისა და პროფესიული წვრთნის მახასიათებელი

##### ეკა ბარბაქაძეს მონაწილეობა აქვს მიღებული შემდეგ ღონისძიებებში:

- 2016 წლის 27-28 იანვარი - სისხლის სამართლის საპროცესო კოდექსის აქტუალური საკითხები;
- 2016 წლის 25-26 აპრილი - ნაფიც მსაჯულთა სასამართლო;
- 2018 წლის ოქტომბერი დეკემბერი - „HELP-ის“ დისტანციური სწავლების კურსი, სისხლის სამართლის საქმეებზე მიღებული გადაწყვეტილებების დასაბუთება;
- 2019 წლის იანვარი-მარტი - სისხლის სამართლებრივი ასპექტები;
- 2022 წლის 3-4 დეკემბერი - სისხლის სამართლის აქტუალური საკითხები და მნიშვნელოვანი განმარტებები.

აღნიშნული გარემოებები მაძლევს საფუძველს, ამ მახასიათებელში კანდიდატი შევაფასო - 8 ქულით.

#### 6. პროფესიული აქტივობის მახასიათებელი

კანდიდატი არ ეწევა პედაგოგიურ საქმიანობას.

კანდიდატს გავლილი აქვს მოსამართლის თანაშემწის გამოცდა და სამთვიანი სასწავლო კურსი აღნიშნული გარემოებები მაძლევს საფუძველს, ამ მახასიათებელში კანდიდატი შევაფასო - 4 ქულით.

ზემოაღნიშნული მახასიათებლების ანალიზისა და შეჯერების შედეგად, კომპეტენტურობის კრიტერიუმის მიხედვით კანდიდატს ჯამში ვაფასებ - 84 ქულით.

სახელი, გვარი: ნინო ქადაგიძე

თარიღი: 12.09.2024 წ.

6. 